

1614

6^e Car. 17 12.

REFVTATION

D V D I S C O V R S

CONTRE LES MARIAGES

de France & d'Espagne.

M D C. X I V.

THE NEWBERRY
LIBRARY

Case

F.





39

326

1614a



REFVTATION.

 N lit d'un certain *Valer.*
 O Romain, qui se plai- *Max.*
 gnant qu'on l'auoit *lib. 8.*
 cōdamné iniustemēt,
 le Magistrat enyuré de pas-
 sion, dist tout haut qu'il ne
 luy importoit qu'il fust inno-
 cent ou coupable, pourueu
 qu'il le fist perdre. Le mesme
 peut-on dire, de celuy qui
 prostituant aujourd'huy sa lan-
 gue, & sa plume à toute sorte
 de medisance & d'inuectiue, n'a
 pour but que de ietter la pom-
 me de discorde entre les Princes
 Chrestiens & calomnier des gēs
 de bien, sans se soucier si ce qu'il
 leur impute est vray ou faux.

C'est l'artifice ordinaire de tels brouillons , c'est la monnoye dont on paye maintenant, les veilles & les traux de ceux qui seruent le public , les plus saines intentions desquels sont interpretées à déloyauté, par des Ecriuains si iniustes, qu'ils blasment deuant le monde, les actions de tel, dont l'innocence est neantmoins remoignée au dedans de leur propre cœur: Mais tout ainsi que la nature ne laisse de produire des fleurs pour les abeilles , encores qu'il y ait des aragnées qui conuertissent en venin tout ce qu'elles touchent, il ne faut pas aussi que les Ministres des grands Roys cessent de seruir vtillemēt, pour forcenez que soient les Cēseurs de leurs déportemens, veu que c'est, dit Seneque, vne louange

5
esgale d'estre loué des bons &
blasmé des mechans.

Or s'il y eut iamais vn discours
outrageux, cest celuy dont i'ay
maintenant à refuter les ine-
pties, & à monstrier combien
l'Autheur est mal affectionné au
bien de sa patrie, & comme n'es-
pargnant les seruiteurs, il ose
mesmes se prendre audacieuse-
ment au Maistre, par des paro-
les insolentes & seditieuses qu'il
tient à la Royne, sous pretexte
de submissiion, de candeur & li-
berté, ceste langue de Vipere ne
reconnoissant pas que toute la
France auouë & confesse qu'une
si grande Princesse a non
seulement maintenu l'Estat en
gloire & en splendeur au de-
dans, mais le va encores for-
tifiant au dehors, d'alliances
avec les plus puissans Princes

noz voisins, afin d'affermir toujours le sceptre en la main du Roy son fils.

L'effronterie de cest Autheur paroist principalement, en ce qu'il emprunte à fauses enseignes le nom d'un Grand, & faict voir sa malice en ce que : C'est dit-il contre le droict diuin, & naturel de marier ceux qui ne sont pas mariables par nature, qui sont au dessous de la puberté & n'ont encores selon la distinction du sexe, douze ou quatorze ans accomplis &c. Ce n'est pas adiousté-il pourtant que les peres, ou meres, les tuteurs mesmes, ne puissent quelquesfois promettre par mariage leurs enfans ou leurs pupilles, avant qu'ils ayent atteint la puberté, aage seul iuste & legitime pour contracter mariage: Mais n'est-ce pas combattre contre son ombre; qui luy

reuoque cela en doute? Aquoy les exemples qu'il apporte qu'o a suspendu l'execution de telles promesses, iusqu'à ce que ceux, en faueur de qui on les fait, ayér atteint l'aage capable & suffisant de les approuuer ou desapprouuer? N'est-ce pas ce que leurs Majestez tres - Chrestienne & Catholique en ont arresté entre elles? Ce bel escriuain apporte-il pas mesmes la clause du contract qui dit en termes exprés que ces mariages seront parfaicts & accomplis, *lors que le Roy & lesdicts Prince & Princesses auront atteint l'aage nubile & conuenable pour ce faire?* Toutes fois ignore-il que le mariage ne soit loisible qui n'a point d'empeschement essentiel, & que le defect d'aage n'est pas vn empeschement essentiel? Car enco-

1.2. q.
 96. a. 1.
 a. 2. *Prin-*
ceps. D.
de le-
gib. Ti-
tul. de
despōs.
impu-
bcr.
Ibid.
ca. 2.
 Nisi
 fortè a-
 liqua
 ingen-
 tissima
 interue-
 niente
 necessi-
 tate, vt
 pote
 pro bo-
 no pacis
 talis cō-
 iunctio
 tolera-
 tur.

res que le droict naturel re-
 quiere vn aage cōuenable pour
 la consōmation du mariage, la
 determinatiō neātmoins de cest
 aage n'est point du droict natu-
 rel, ains humain & Ecclesiasti-
 que, sur laquelle Pape a puissan-
 ce de dispenser comme l'ensei-
 gne sainct Thomas, avec la Loy.
 C'est pourquoy Nauarrus au li-
 ure 4. de ses Conseils, est d'avis
 qu'auant l'aage cōplet de 14. ans
 à l'homme, & de 12. à la femme
 le mariage peut estre valide. Le
 Canon porte que le mesme se
 peut faire arriuant quelque grie-
 fue necessité, comme pour le
 bien de la paix. Et afin que per-
 sonne ne dise que le texte s'en-
 tend des fiançailles, Innocentius
 & Panormitanus mōstrent qu'il
 s'entend du mariage. Derius tiēt
 que le masle peut contracter à
 dix

dix ans & demy , & la femme à
neuf ans & demy & en contra-
ctant s'obliger naturellement.
Or puisque le mariage est vn
contract, il peut donc estre pas-
sé en l'aage susdict. Et bien que
la puissance d'exercer l'acte de
mariage ne soit ordinairement
qu'après cest aage , si est - ce
qu'il arriue souuentesfois de-
uant, comme saint Gregoire te-
moigne au 4. de ses Dialogues
d'un enfant qui à neuf ans en-
grossa sa nourrisse. Saint Hie-
rosme rapporte le mesme d'un
enfant à dix ans. L'escriture
nous faict foy que Salomon en-
gēdra Roboam l'an dixiesme de
son aage, & le Roy Achaz en-
gendra Ezechias iustement a
vnze ans. De plus, quand le mā-
quement d'exercer l'acte de ma-
riage n'est point perpetuel, il ne

*Inl. pu-
pil. & l.
in negot.
D. de re-
gul. iur.*

*Epist. ad
Vital.
presb.*

Lib. 4.
Sentent.
distin.
 34.7.2.

peut empescher le contract de mariage selon S. Thomas. Or est il qu'en ce faict le manquement n'est perpetuel, dont s'ensuit qu'il n'empesche en aucune façon le contract de mariage. Car l'esperance de l'aage faict le mesme que la dissolution du charme. Finalement on voit bien que la puissance presente d'auoir des enfans n'est pas necessaire, puisque les vieillards peuuent legitimement contracter, & que le mariagen'a pas seulement esté institué pour la propagation de l'espece, mais encores pour euitier fornication & pour la societé mutuelle.

Ce n'est donc pas proprement là où il demange à nostre homme : Mais il voudroit que ceste alliance tant vtille & necessaire fust du tout

rompuë , comme il nous fera voir cy apres, à mesure qu'il vomira son venin , afin que si ces deux grands Rois auoient à perdre ce mutuel support , & à entrer en mauuaise intelligence l'vn avec l'autre, certaines bonnes gens qu'il y a, eussent tant plus de moyen de brouiller dās la France, & d'y establir l'Anarchie qu'ils proiettent. C'est là leur charité, cest là leur coustume, le passé nous faisant iuger de l'auenir, par ce que tout autant de fois qu'ils ont veu nos Rois empressez sur la frontiere, c'est lors que les abandonnans ils murmurent, ils se mutinent, espians dans les Prouinces l'occasion de se preualoir de ceste cōfusion, aux dépens de l'autorité Royale; leur ambition ne se pouuant non plus remplir que

le vaisseau des Danaïdes.

Nostre Autheur est plaissant quand il cuide rendre ce mariage odieux comme s'il n'auoit pas esté meurement deliberé, ou qu'on eust deu preferer l'alliance de Sauoye à celle d'Espagne. Car la Royne dict-il le fist seulement proposer en presence de Monseigneur le Prince comme vne chose resoluë *Et* arrestée, non pour en deliberer, *Et* demander aduis, mais seulement pour l'approuuer *Et* consentir. Pour responce à cela, ie n'employeray autre lagage que celui de sa Majesté. Veritablement i'ay preferé ladicte alliance d'Espagne à celle de Sauoye : Mais ie n'ay rien faict en cela que le feu Roy Monseigneur n'eust faict, lors que Dom Pedro de Toledo vint vers luy de la part du Roy d'Espagne, s'il luy en eust faict l'ouuerture comme

En la
resp. de
la let-
tre de
Mr. le
P.

il s'y attendoit. Depuis ie m'y suis conduite entierement par l'aduis de feu mon Cousin le Comte de Soissons, qui estoit auprès du Roy, quand la premiere proposition en fut faicte, laquelle vous fut communiquée par moy & par ledit Comte, à vostre retour de Guyenne, & fut dès lors approuvée de vous comme de luy et de tous ceux qui en eurent cognoissance, comme utile, bien proportionnée à l'aage & à la grandeur du Roy. Et puis affermer n'auoir esté poussée à ceste preference par default d'affection & bonne volonté enuers mon frere le Duc de Sauoye & sa maison, ny à autres fins que de la consideration du merite d'une telle alliance, & de l'affermissement de la paix entre ces deux Rois, utile à la Chrestienté, & plus necessaire à l'estat present des affaires du

Royaume, qu'en autre saison. De-
 quoy ledit Duc de Bouillon fut
 chargé declaircir le Roy de la gran-
 de Bretagne, où le Roy *Et* moy l'ë-
 uoyasmes expres pour faire cest offi-
 ce, qui fut rendu semblable en mesme
 temps aux autres Princes, Potentats,
 & Alliez de ceste Courõne, qui ont
 tous mōstré les auoir receuës en bon-
 ne part. Je diray d'auantage que les
 motifs du Conseil qui en fut lors
 pris, n'ont esté moins considerables
 pour ledit Duc de Sauoye, *Et* ses
 Estats, que pour la France. Vous en
 sçauetz les raisons comme moy:
 Mais tels blasment à present lesdits
 Conseils & mariages qui ne feroiēt
 peut estre conscience de se preualoir
 au desauantage du Roy, mondit
 sieur *Et* fils, & du repos de la Frã-
 ce d'une mauuaise intelligence entre
 ces deux Rois. C'est pourquoy ils
 vsent encores à present de toutes sor-

tes d'artifices & de diligences pour en retarder l'execution, en intention de les rompre du tout s'ils le peuvent faire: Mais j'espere que nous sçaurons y remedier avec l'ayde de Dieu, qui favorisera s'il luy plaist, nos sincerer intentions, qui n'ont autre but que de procurer le bien du Royaume, avec le contentement particulier du Roy & le bien de ma fille aisnée, tout ainsi que j'espere faire pour la seconde du costé d'Angleterre.

Mais ie me doute bien qu'il y en a, qui agréeront aussi peu ceste alliance d'Angleterre que celle d'Espagne, tant l'vnion des Princes voisins leur est ialousse & diametralement contraire aux mauuais desseins qu'ils prennent sur le modelle de leurs Confreres, qui est, de ne recognoistre non plus de Chef en l'Estat qu'en la Religion, la seule

Democratie & cōfusion populaire estant ce qu'ils cherchent, ne desirans non plus d'autorité au Souuerain qu'à vn Duc de Venise. Bons François au reste, & gents aysez à contenter, mais qu'õ leur baille ce qu'ils demandent, & que les faisant arbitres de toutes choses, nos Rois marient leurs filles quand il plaira, & où bon semblera à ces Messieurs.

Du 12.
Feb.

Voyla comme la calomnie de ce faiseur de libelles est conuaincuë, sa Majesté ayant témoigné au prealable par la lettre qu'elle escriuit aux Gouverneurs des Prouinces, *qu'il est certain qu'il ne s'est exposé aucun traitté, ne negocié aucun affaire importante que lesdits Princes, et, specialement mondit nepueu, n'y ayent tousiours esté appelez: et mesmes ont esté souuent differées*

différées & remises pour attendre leur commodité & presence. Il y a en fin tant de raisons qui ont porté le Conseil du Roy à ceste alliance, que ce beau Controlleur est forcé d'en auoier l'vtilité quoy qu'il en blasmela resolution. Neantmoins on peut dire comme apres la mort du Roy, pour plusieurs considerations d'Estar, l'ouuerture de ces alliances aux conditions portées par le susdit traicte, n'a pas esté inutile, qu'aussi ç'a esté prudence en vne mauuaise et dure saison, où estoit lors la France, de ceder au temps, & ne s'opposer à ces promesses, encores qu'il y eust assez de iustice & de raison de le faire. Tant que cest homme & ses semblables, se sont persuadez que ces promesses n'estoient que ieus d'enfant, & qu'on ne les auoit faictes que pour amuser

le Roy d'Espagne, ils ont volontiers pris patience, mais à cette heure qu'ils voyent que la France ne voudroit pour chose du monde recevoir ceste honte, & reproche d'auoir traicté de mauuaise foy, & s'estre comme moquée d'un si grand Prince, ains qu'elle est en volonté d'accōplir ces mariages, soudain apres la tenuë des Estats, c'est vn Calice qu'ils ne peuuent boire, c'est chose qu'ils ne peuuent supporter. Si bien que chargeans de benedictions ceux qu'ils croient incliner à ceste alliance, il n'y a parole d'honnesteté dont ils ne les honorent, iusqu'à dire par la bouche de leur Protocole, *qu'ils ayment mieux de porter toutes choses aux extremes que de se départir de leurs proiects* *Et* *mauuais des-seins, trop cognus aujour d'huy pour*

en souffrir dauantage les pernicieux effects, au deshonneur & à la honte de la France, à l'affoiblissement de ses alliez, & à l'auantage de l'Espagnol son ancien et capital ennemy, auquel ils seruent comme esclaves, comme Ministres de son ambition demesurée, ainsi qu'ils ont faict de tout temps. C'est dire beaucoup & ne rien prouuer.

Mais disoit la Royne, *que y a Ibid.* il que l'on n'inuente Et que l'on ne publie pour descrier ma Regence Et les seruiteurs du Roy qui trauaillent sans cesse aupres de moy pour s'acquitter fidèlement de leurs charges? Nous voyons clairement que l'on s'adresse à eux, pour en espargnant mon nom en papier, faire tomber sur moy par effect, les reproches dont on les charge. Tant y a que personne ne peut nier que le Royaume ne iouysse à present d'une felicité

plus digne d'admiration , *Et* par-
tant d'honneur *Et* de loüange pour
ceux qui seruent que d'aucun repro-
che.

Si ce Calomniateur lisoit bien
l'Histoire , comme il presume
d'y estre grand Clerc, il y verroit
que ce n'est pas d'aujourd'huy
que la France & l'Espagne ont
contracté des alliances ensem-
ble , ceste nation n'estant pas
ancienne ennemye de la nostre
comme il se figure. Car dès la
premiere race de nos Rois , Gal-
sonde fille de Atanachilde Roy
des Gots regnant en Espagne, fut
mariée à Chilperic fils de Clotai-
re I. Roy de France. Bruno ou
Brunechilde fille dudit Roy
Atanachilde fut mariée avec Si-
gibert Roy d'Austrasie frere
dudit Chilperic. Nermébergue,
ou selon d'autres Memberge fil-

le de Iurie Roy des Gots reigñat
 en Espagne fut mariée avec
 Thierry Roy d'Orleans & D'au-
 strasie fils de Childebert 2. Roy
 de France. Et en la seconde
 race, Galiene fille du Roy de To-
 lede fut la premiere femme de
 Charlemagne. En la troisieme
 race Constance fille d'Alphonse
 7. Roy de Castille, de Leon &
 d'Aragon, qui s'intituloit Empe-
 reur d'Espagne fut mariée avec
 Louis le leune Roy de France,
 Blanche fille d'Alphonse 8. Roy
 de Castille, & de Eleonor fille de
 Henry 2. Roy d'Angleterre fut
 mariée avec Louis 8. Roy de
 France pere de saint Louys. Be-
 rengere fille aînée d'Alphonse
 10. Roy de Castille fut promise
 à Louis de France fils aîné de
 saint Louys : Mais le mariage
 ne s'accomplit point, par ce que

ledit Louis mourut à l'aage de quinze ans. De quatre filles qu'eut sainct Louis il en maria vne à Fernand fils aîné d'Alphonse Roy de Castille.

Elizabet fille de Iacques Roy d'Arragon fut mariée à Philippe 3. Roy de France surnommé le Hardy. Ieanne Royne de Navarre Contesse de Champagne & de Brie, fut mariée à Philippe le Bel Roy de France, lequel Philippe maria Marguerite sa fille aînée à Fernand 4. Roy de Castille. Beatrix fille de Sanche 4. Roy de Castille fut accordée à Louis Hutin Roy de France. La mesme Histoire nous apprend qu'il se fist vn pourparler du mariage de Isabelle fille de Iacques Roy de Maiorque avec Charles V. Roy de France, sous promesse & condition.

que ladicte fille succederoit audit Royaume de Maiorque, en cas que les enfans masles vins-
sent à defaillir; toutesfois ledict Charles se maria avec Ieanne fille de Pierre 1. Duc de Bourbon, lequel Pierre maria Blanche sa fille avec Pietre Roy de Castille. Ieanne fille de Henry 4. Roy de Castille & niepce de Edoüart Roy de Portugal fut fiancée à Charles de France Duc de Guyenne, troisieme fils du Roy Charles 7. Marguerite sœur de Philippes 1. Roy d'Espagne fut promise par son pere Maximiliã qui fut depuis Empereur, à Charles 8. Roy de France. Par le traicté de paix entre Louis 12. Roy de France, & ledit Philippe sur le different du Royaume de Naples, mariage fut accordé entre Charles fils dudit Philippe &

Claude fille dudit Louis. Marie
 fille aînée de l'Empereur Char-
 les 5. ou la seconde fille de son
 frere Ferdinand Roy des Ro-
 mains furent promises à Charles
 de France Duc d'Orleans fils de
 François I. Elenor sœur aînée
 dudit l'Empereur Charles 5. ve-
 fue du Roy Emanuel de Por-
 tugal fut mariée avec ledict
 François .Henry II. Roy de
 France maria Elizabet sa fil-
 le à Philippe 2. Roy d'Espa-
 gne. Les mesmes alliances se
 font encores contractées en-
 tre la France & la maison d'Au-
 triche , source & origine des
 derniers Rois d'Espagne. Philip-
 pe 3. maria en secondes nopces
 Blanche sa fille à Rodolphe fils
 aîné de l'Empereur Albert Duc
 d'Autriche. Et pour accourcir &
 nous approcher de nostre siecle,
 Charles

Charles 9. espousa Elisabet d'Au-
triche fille de l'Empereur Maxi-
milian.

Ce sont là les anciennes ini-
mitiez qu'il y a eu entre les Fran-
çois & les Espagnols. Car enco-
res que comme voisins ils ayent
eu en nos iours quelque chose
à demesler entre eux ; si est-ce
que graces à Dieu , ils vivent
maintenant en bonne paix, vniõ
& concorde, & est à esperer que
ces nouvelles alliances seront
encores autant de liens sacrez
pour rendre leur amitié immor-
telle, quoy que ce declamateur
dye faussement, que sa Majesté
Catholique semblable à Philip-
pe Roy de Macedoine, ne re-
cherche nostre alliance, *que par
consideration Et par interest, pour
en tirer auantage avec le temps à no-
stre ruine &c. Et que les exemples*

du passé nous donnent assez de suiet
 d'apprehender les ambiticux desseins
 de cest autre Philippe, sur la France,
 Et de mesmes causes attendre de
 mesmes effects, Et/c. D'ailleurs
 quelle commodité, quel avantage
 peut on proposer de ceste nouvelle al-
 liance, quel fruct s'en peut on pro-
 mettre, en comparaison des maux
 prodigieux qu'on en doit craindre?
 Il y a des Serpens, des poisons, des
 herbes veneneuses utiles à quelque
 chose, toutefois d'autant que le mal y
 surpasse infiniment le bien, & que le
 peril des inconueniens qui en pour-
 roient venir, est mille fois plus grand
 que tout le profit qui s'en pourroit
 tirer, on en prohibe au peuple l'usa-
 ge & le commerce. Si cela n'est de la
 plus fine mesdisance, ie ne sçay
 pas quels outrages on y pourroit
 adiouster, pour monter au plus
 haut degré d'impudence. Certes

nous aurions à apprehender aucunement tous les malheurs que ce Therfite va songeant, s'il n'y auoit point de difference entre vn Prince Chrestien, & vn Payen tel qu'estoit Philippe pere d'Alexandre. C'est trop se laisser aueugler à la passion, c'est trop decouurir de quelle liurée & de quelle faction on est, que de s'imaginer, qu'un Roy craignant Dieu, & viuant innocemment comme il fait, ayt les intentions si malignes & l'ame si dissimulée que de vouloir trahir en baissant ceux avec qui il s'alie. Non, non c'est se tromper, que d'auoir ces vaines apprehensions. Ces deux grands Roys se donnent mutuellement la foy, sans que de part ny d'autre on entre en telle meffiance. Chacun d'eux reputé l'alliance à honneur, &

n'ayans pour obiet de tout le fruit qu'ils en esperent qu'une eternelle concorde entre ces deux nations, les bons s'en esjouissent comme de chose qui ne peut que reüssir au support de la Chrestienté en general, & à la particuliere restauration de la foy Catholique en ce Royaume. Les meschans & les factieux au contraire, en fremissent, & apprehendans l'vnion de ces deux Couronnes, desireroient d'en rompre le proiect par leurs artifices: Mais Dieu qui veille d'en haut à la conseruation des grandes Monarchies dissipera leurs mauuais desseins, eschauffant le cœur de la Royned'un feruent desir d'accōplir ce mariage, comme le Roy son fils temoigne grãdement de le desirer soudain qu'il sera entré en sa maiorité,

dont graces à Dieu le terme est fort proche. Ceste mesme bonté diuine, inspirera aussi cōtinuellement à sa Majesté Catholique les bons mouuemés qu'il a eus iusques icy enuers cest Estat, sans que la calomnie & le faux bruit des malins, la refroidisse de paracheuer vne œuvre si attendue & esperée des gens de bien.

Quicōque en fin aime le repos de l'Estat & la continuation de la paix, quiconque est vrayement touché de zele & d'amour enuers la religiō Catholique, infaliblement ils'esioit de l'alliance de ces deux grandes maisons. Car de leur mauuaise intelligence s'esleueroient soudain des vents impetueux, qui peut estre porteroient plus que iamais le vaisseau de ces deux Monarchies

aux orages & tourmentes d'une guerre estrangere. Dieu sçait si avec les ruines & desolations du Royaume, l'estat de la Religion ne seroit pas du tout déplorable. Dieu sçait si l'heresie, sous couleur de nous rendre le nom & l'alliance d'Espagne odieuse ne s'espanouiroit pas d'aïse & de contentement de nous voir aux prises avec sa Majesté Catholique, afin de se preualoir de la diuision où elle nous auroit engagée, la France estât une fois espuisée de forces, d'hommes & d'argent. Car ce sont volontiers les fructs que porte une guerre estrangere. Dieu sçait dy-ie, si le mal que nous pourrions faire à autrui, soit en deffendant, ou en attaquant, seroit la guerison de celui que nous souffririons, si toutesfois

pour creuer l'œil a son voisin on ne veut prendre plaisir d'arracher vn des siens propres. Ainsi le Serpent se glisse sous la fucille, ainsi sous pretexte d'Estat & d'intereſt public on veut deceuoir les ſimples, qui ſeduits & charmez de l'aueuglement & paſſion où l'on les emporte, ne voyent pas que ce ſeroit proprement la religion Catholique qui perdrait le plus en la rupture de ces alliances, ſi prudemment meditées pour le bien & la paix du Royaume. Pourtant, ſi ces deux colonnes eſtoient renuerſées en noz iours, nous pourrions biẽ dire en gemiſſant, que Dieu auroit du tout appelanty ſa main ſur nous, & que nos pechez auroient enflammé ſa fureur, nous oſtant meſme l'vſage de la raiſon, pour n'apprehender

pas les malheurs d'une calamité
prochaine, laquelle nous pou-
uons, facilement euit, pour
peu qu'on apporte de chaleur &
de generosité à rendre son pre-
mier honneur à l'Eglise & à l'E-
stat. A l'Eglise, en l'affectionnant
comme l'enfant bien né, aime &
reuerse sa mere, sans temporiser
ny conuiuer laschement avec
ses ennemis. A l'Estat, en prefe-
rant comme vn Phocion, l'utili-
té publique au bien, aux inte-
rests & à la fortune particuliere,
fortifiant au dehors & au de-
dans l'autorité Royale, à ce
que la Republicque comme di-
soit ce Romain, estant vn riche
tableau receu de la main de nos
peres, il ny ait nulle tache qui le
souille & defigure. Aussi y a il
autant de gloire pour ceux qui
maintiendront inuiolable le
pouuoir

pouuoir absolu de nos Rois qu'il y auroit de honte, & de blasme à la memoire de ceux qui par foiblesse & timidité, auroient en leurs iours laissé comme partager la lumiere de ce Soleil, laquelle doit estre indiuisible.

En vain, donc en vain, ce Corbeau va croaillant que nous trouuerons que ceste alliance d'Espagne, est beaucoup plus preiudiciable qu'utile à la France, Et l'issuë d'autant plus suspecte que nous voyons dès l'entrée entreprendre si hardiment sur nos frontieres de Nauarre, violer les limites du Royaume & y planter sans contredit les marques d'une nouvelle usurpation. La Royne a respondu à cela. J'espere disoit ceste grande Princesse, de sortir amiablement à l'honneur du Roy & au bien. Et

contentement de ses subiects du différent de Nauarre, mesmes deuant que nous passions outre ausdits mariages, sinon i'auray tel soing de conseruer en ceste occasion les droits, les limites & la reputation de la France, que ceux qui nous accusent de n'en auoir le soing que i'en dois auoir, auront occasion de se dédire, & de retrancher de leurs plaintes celles qu'ils fondent sur ce subiet. Mais quoy? ils voudroient desia nous voir aux prises & aux armes avec le Roy d'Espagne pour s'en preualoir en leurs imaginations. Et sur ce qu'il dit malicieusement qu'on essaye desia par artifices déluder la couuocation des Estats generaux, c'est chose si fausse que l'article que sa Maiesté en a accordé mōstre au vray ce qui en est, comme chose qu'elle auoit mesmes desirée a-

uant qu'on les demandast, la lettre qu'elle escriuit aux Gouverneurs des Prouinces en faisant *Du 12. Feb.*

foy. Donc en suite de ce, pour mon-
strer clairement la verité *Et* sin-
cerité de mes actions passées, *Et* re-
chercher les voies qui sont les meil-
leures, pour donner vn bon ordre *Et*
affermissement au bien de cest Estat
à l'auenir, mesme sur l'ëtrée de la ma-
rité du Roy, mondit sieur *Et* fils
i'ay estimé à propos de faire vne Cō-
uocation des principaux de tous les
ordres *Et* Estats de chacune Pro-
vince de ce Royaume, pour en faire
vne notable assemblée en laquelle
l'on puisse prendre des resolutiōs cō-
uenables à la dignité d'icelle, *Et* au
suiect pour laquelle nous la faisons
conuoquer. Voyla cōme la Roy-
ne fuit la lumiere, voyla comme
elle elude la conuocation des
Estats. Si on y apporte de la fuite

& de la chicane, croy que ce ne sera pas de son costé, ny d'aucun des Ministres qui l'assistent.

Or en la queue (comme on dit) gist le venin. Cest icy dit nostre défaiseur de mariages, que i'adresseray mon discours à la Royne & prendray la hardiesse de luy parler avec la liberté d'un vray & fidelle suiet, qui aime sa patrie & affectionne le service de sa Maïesté. Estant homme à mon aduis qui n'aime guerres à aller aux coups, apres auoir prié la Royne de penser avec un esprit paisible & reposé, aux inconueniens qui peuuent arriuer de la guerre, il luy tranche net & dit que ceux qui sentiront le mal sous vostre nom, ne se prendront qu'à vous mesmes, qu'ils croiront en estre la cause, & conuertissans le respect qu'ils vous doiuent & qu'ils vous rendent en hayne & en

mespris, se porteront à toutes actions
quelques desesperées qu'elles puissent
estre &c. Representez vous Ma-
dame, quelle est la fureur de la neces-
sité quand il n'y a point d'autre salut
que le danger. C'est là la liberté,
c'est le langage modeste & res-
pectueux, de ce vray & fidelle
suiect du roy, qui honorant
l'enfant comme il proteste, de-
uroit au moins parler plus reue-
remment à la Mere. Helas! quel
Hellebore pourroit guerir ceste
ceruelle? Quiconque tu sois,
mon amy, qui semblable aux
trompettes, sonnes la charge &
n'y vas iamais, considere qu'un
Estat puissant & redoutable tel
qu'est la France, ne s'espouuan-
te pas facilement de tes Rodo-
montades, & croy que ceux à
qui tu fers de truchement & qui

tiennent ce discours audacieux par ton organe, ne trouueroient que leur chastiment à entreprendre les actions desesperées que tu dis. Le glaiue de la Iustice est le vangeur ordinaire de telles menaces.

Tu sçais que nostre Histoire n'est remplie, que des exemples de la feure punition, que nos Rois ont tousiours faite de ceux qui se sont mutinez contre leur autorité, n'espargnans pas mesmes leurs plus proches. Car Clotaire I. ayant pris en vne bataille Chranne son fils le fist brusler avec Calde sa femme & ses deux filles pour s'estre rebellé contre luy. Louis le Debonnaire fist creuer les yeux à Bruhart Roy d'Italie petit fils de Charlemagne pour sēblable faict. Hugues

Bastard, coniura contre Charles le Gras Empereur pour luy enleuer la Lorraine, dont il luy fist creuer les yeux & le mist dans le Monastere de Pruine. Carlo-man qui se banda contre Charles le Chauue son pere receut le mesme chastiment, & fut confiné dans l'Abbaye de Corbye. Il ne conte point tant de morts honteuses, tant de ruines de maisons, tant de confiscations qui ont suiuy ceux qui en leur fureur & mauuais conseil ont cherché comme tu dis, leur salut dans le danger. Aussi est-ce chose tres dangereuse, dict la mesme Histoire, aux Rois & Princes Souuerains, de laisser croistre chez eux des factions pour quelque cause que ce soit, iusques à estre contraincts de les

*Le Sr du
Tillet
en la
vie des
Roys
Loth.
10. &
Louis 5.*

endurer. Car ils ne dominant
apres, que tant qu'il plaist à au-
truy.

F I N.